

BERRI OROKORRAK

2025eko irailaren 12an

1. zenbakia

Ongi etorri 2025-2026 ikasturtera

Ikasturte berria hasi da eta gure ikastolako ateak berriro zabaldu dira ikasle, irakasle eta langile guztiok elkarrekin hazteko eta ikasteko. Ikasturte bakoitza aukera berri bat da: harremanak sendotzeko, jakintzak zabaltzeko eta elkarrekin bide berriak egiteko.

Aurten ere, ilusioz eta konpromisoz ekingo diegu erronka berriei, beti ere gure ikasleen ongizatea erdigunean jarritz.

Guztion artean ikastola eraikitzen jarraituko dugu. Bihotz-bihotzez ongi etorri ikasturte berrira.

Ainhua Iturzaeta



Ikasketa-beka

2025/2026 ikasturterako Eusko Jaurlaritzak bideratzen duen beka eskatzeko epea **urriaren 6ra** arte irekita egongo da.

Informazio guztia [hemen](#) ikus dezakezue. Edozein zalantza argitzeko edo argibide gehiagorako idazkaritzarekin jarri harremanetan.

Era berean, Udarregi Ikastolak, irakaskuntzaren finantzazioari laguntzeko asmoz, beka-sistema propioa eskainiko die bere bazkideei. Beka-sistemaren baldintzak, aurkeztu beharreko dokumentazioa eta diru-laguntzaren zenbatekoaren inguruko xehetasunak [hemen](#) irakur daitezke. Beka idazkaritzan bideratzeko eskatu txanda idazkaritzan.



Liburutruk

Liburutruken parte hartzen duten ikasleei, liburuak, ikastolako lehenengo egun hauetan banatzen ari zaizkie. Liburuak jasotzearekin batera, ikasle bakoitzak liburu guztiak jaso dituela egiaztatu beharko du. Edozein gorabehera zuzentzeko 10 eguneko epea egongo da. Epe hori pasata, liburu guztiak behar bezala jaso direla ulertuko da. Ikasturte amaieran liburu guztiak egoera egokian (puskatu eta margotu gabe,...) itzultzen ez badira, bere kostu prezioan kobratuko dira. Bigarren zatiaren kobrantza, irailaren 30ean egingo dela jakinarazten da.



Ikastolako zerbitzuak eta prezioak

Ikasturte honetako Ikastolako eta zerbitzuetako kuotak jarraian adierazten dizkizuegu. Horien kobrantza **hilaren 16an** egingo da.

* Liburutruk.

Ekainean 60 €-ko bermea kobratu zen eta iraileko erreziboekin batera, gainontzeko likidazioa kobratuko da. Prezioak honakoak izango dira:

- LH: 53,02 €

- DBH: 98,58 € + hautazkoak: DBH4 Fisika/Kimika: 17,08 €

DBH4 Biologia/Geologia: 17,08 €

Frantsesa DBH1: 19,57€

DBH2: 17,40€ Ikasle berriak: 36,92€

DBH3: 17,40€



* Kooperatibako kuota osagarria eta elkartasun-kutxa.

2025/26 ikasturtean Kooperatibako kuota osagarria hileko eta ikasleko **38,76 €** izango da. Elkartasun-kutxa, **4,10 €** hileko eta familiako. Kuota horiek **12 hilabetez (iraila-abuztua)** kobratzen dira.

* Ikasle-asegurua.

Ikaslearen istripu-aseguruaren urteko prezioa **16,60 eurokoa** izango da eta urrian kobratuko da. Zerbitzu mediku guztiak kontzertatutako zentzura joanez emango dira.

*** Bazkide kuota.**

Udarregi Ikastola guraso-kooperatibako urteko bazkidetza kuota **12,02 eurokoa** izango da eta azaroan kobratuko da.

***Garraioa.**

Garraio-zerbitzuaren hileko kuota **58,00 eurokoa** (12 hilabetez) izango da. Erabilera solteetarako zerbitzua eskainiko da. Horretarako, idazkaritzarekin jarri harremanetan.

***Goizeko zaintza.**

Goizeko 8:00etatik 9:00etara eskaintzen da zerbitzua. Arduradunak Idoia Encinas eta Iban Maritxalar izango dira. Kuota **28,00 euro hileko** izango da **10 hilabetez**.

***Jangela.**

Jangelako kuota, bazkaldar-kopurua eta jangelaren erabileraren arabera kalkulatzeko, izen-ematearen arabera kalkulatu da eta jakinaraziko zaizue buletin bidez. Iraileko menuak egun solteka kobratzen dira, menu bakoitza **8,50 €**. Jangelako menuen kobrantza hurrengo hilabeteetan egiten da.

Jangela-zerbitzua

❖ **Jangela-batzordea:** bertan jangela-zerbitzuaren eskaintzaz, funtzionamenduaz, antolamenduaz eta menuez hitz egiten da, besteak beste. Funtzionamenduaren jarraipena egiteko, bi hilabetez behin ordubeteko bilerak egiten dira. Bertan parte hartu nahiko bazenu, idazkaritzara deitu edo gelako tutoreari adierazi.



❖ **Iraila:** jangela-zerbitzua irailaren 8tik eskeini da. Eskolak goizez diren egunetan bazkaltzeko txanda bakarra eskainiko du 12:30ean.

Irailaren 29tik aurrera bazkaltzeko bi txanda egongo dira:

HH3-LH2: 12:30ean

LH3-DBH4: 13:30ean

Hilabete honetan bazkaldarrek izango duten menua honako esteka hauetan ikus dezakezue: [iraila](#) eta [iraileko menu bereziak](#)

❖ **Izen-ematea:** norbaitek jangela zerbitzua erabili behar izanez gero edo izena emanda egonik ez bada zerbitzurik behar, usurbil@ikastola.eus helbide elektronikora mezua bidaliz jakinaraziko du gutxienez bezperan 13:00ak aurretik.

Garraio publikoa erabiltzeko txartela

Euskotren-etik jakinarazi digute hemendik aurrera taldeko txartela ateratzeko aukerarik ez dela izango eta Eusko Jaurlaritzak onartu duen hobari sistema kontutan izanik, Zuzendaritza Taldeak irteeretarako, ahal den neurrian, garraio publikoa erabiltzea lehenetsi du. Hori horrela, irteerak modu egokiagoan eta merkeago egite aldera, gomendatzen da **ikasle bakoitzak bere**

Mugi txartela ateratzea. Era horretan, 12 urtetik beherakoek doan bidaiatuko dute eta gainerakoek %50eko deskontua izango dute.



Kilometroak 2025

Urriaren 5ean Elgoibarren ospatuko da aurtengo KILOMETROAK festa . Jai handia da eta lan egiteko oinarria auzolana da. Hori dela eta egun horretan txoznetan lan egiteko laguntza eskatzen dute.

Laguntza emateko prest bazara, bete mesedez [galdetegia](#)



HAUR-HEZKUNTZA

0-3 jangela-zerbitzua

Zuen semea edo alaba Haur Eskolara joango ez den egunetan, 10:00ak baino lehen haureskola@udarregi.eus helbidera idatziz edo 943361216 telefonora deituz jakinaraztea eskatzen dugu.

Ikasturtean zehar Haur Eskolako erabiltzaileek izango duten menua honakoa izango da: [Haur Eskolako menua](#) eta hauek [intolerantzien menuak](#)



LEHEN HEZKUNTZA

Guraso-bilerak LH

Bilera orokorretarako datak jakinarazi nahi dizkizuegu.

- | | |
|----------|------------|
| 1. Maila | Irailak 23 |
| 2. Maila | Irailak 25 |
| 3. Maila | Irailak 25 |
| 4. Maila | Irailak 22 |
| 5. Maila | Irailak 24 |
| 6. Maila | Irailak 24 |



Bilerak, **ikasleen geletan** egingo ditugu, **16:45etan**.

Bileretako txostenak Alexia bidez bidaliko dira.

Ez da zaintza zerbitzurik egongo.

Telefono mugikorre eta smartwatchei buruzko arautegia

ikastolan

Azken urteetan ikasleak ikastolara ekartzen dituzten Smartwatch edo erloju adimenduekin, egunerokotasunean arazoak izaten ari gara. Arazo horiek, aipaturiko gailu horiek dituzten jolas, kamara eta aplikazio desberdinek sortzen dizkigute.



Bestalde, gure ikasleen adina kontuan hartuta, ulergarria da gailu horien baliabide ugariak ongi kudeatzeko gai ez izatea.

Ondorioz, gai honekin loturik ikastolak duen arautegia bidaltzen dizuegu.

- Debekatuta dago telefono mugikor eta smartwatch-en erabilpena ikastolako ordutegian, jangela eta zaintza barne.
- Gailuak ezingo dira soinean eraman, motxilan gordeta eduki beharko dira.
- Ikastola ordutan itzalita edukiko dituzte.
- Irteeretan: Egun edo gaua pasatzeko irteeretan, telefono edo smartwatchen erabilpena ikastolan arautzen den berbera da.
- Arauak hautsiz gero, (ikastolan edo irteeretan), lehenengo aldian ikasleari gailua kendu egingo zaio, gurasoei deitu eta gailua gurasoei itzuliko zaie.